



REPUBLIKA E SHQIPËRISË



DREJTORIA E NDIHMËS
JURIDIKE FALAS

Nr. 1987 Prot.
Datë 10. 9. 2025



BASHKIA FINIQ

Nr. 2478 Prot.
Datë 30. 9. 2025

MARRËVESHJE BASHKËPUNIMI

NDËRMJET

DREJTORISË SË NDIHMËS JURIDIKE FALAS

DHE

BASHKISË FINIQ

« Për sigurimin e aksesit në drejtësi të qytetarëve nëpërmjet ofrimit të shërbimit të ndihmës juridike falas, sipas përcaktimeve të ligjit nr.111/2017 « Për ndihmën juridike të garantuar nga shteti »

Sot, më datë 10.09.2025 lidhet kjo Marrëveshje Bashkëpunimi ndërmjet Palëve:

Drejtorisë së Ndhmës Juridike Falas, me adresë: Rr. "Jordan Misja", Godina nr.3, Njësia bashkiake nr.9, Tiranë, përfaqësuar nga Drejtor i Përgjithshëm (Në mungesë) Drejtori i Drejtorisë së Zbatimit të Politikave dhe Administrimit të Ndhmës Parësore, **Znj. Patricia Pogaçe**, këtu e në vijim « *Drejtoria* ».

Dhe

Bashkisë Finiq, me adresë : *Finiq, Vlorë* përfaqësuar nga *Z/Zj. Zhaklina Boro*, këtu e në vijim « **Bashkia** ».

Duke qenë se Palët,

Vlerësojnë rëndësinë e sistemit të ndihmës juridike të garantuar nga shteti në kuadër të rritjes së aksesit në drejtësi për qytetarët si një parim themelor kushtetues.

Konsiderojnë se një ndër elementët kyç të aksesit në drejtësi është sigurimi i ofrimit të shërbimeve të ndihmës juridike të garantuara nga shteti në mënyrë profesionale, cilësore, eficiente dhe efektive.

Marrin në konsideratë politikat e ndjekura dhe masat e ndërmarra në nivel legjislativ për të mbrojtur dhe garantuar ofrimin e shërbimit të ndihmës juridike të garantuar nga shteti.

Synojnë, implementimin efektiv të ligjit nr.111/2017 "*Për ndihmën juridike të garantuar nga shteti*", bazuar në parimin e:

- a) aksesit të barabartë të individëve në ndihmën juridike;
- b) barazisë dhe mosdiskriminimit të individëve që gëzojnë të drejtën për ndihmë juridike;
- d) ruajtjes së konfidencialitetit;
- dh) shmangies dhe parandalimit të konfliktit të interesit;
- e) mbrojtjes së të drejtave të personave vulnerabël.

Konfirmojnë, angazhimin institucional për të siguruar standarte të larta dhe për të adresuar nevojat e subjekteve përfutues sipas përcaktimeve të ligjit nr.111/2017.

Afirmojnë vullnetin dhe vendosmërinë për të bashkëpunuar dhe kontribuar në realizimin e qëllimit të kësaj marrëveshje.

Kanë rënë dakord të lidhin këtë marrëveshje bashkëpunimi në vijim e quajtur *Marrëveshje*.

Neni 1

Objekti

Objekti i kësaj marrëveshje mes Palëve konsiston në vendosjen e bashkëpunimit të dy institucioneve sa i përket shërbimit të ndihmës juridike të garantuar nga shteti me qëllim ndërmarrjen e masave për rritjen e aksesit në drejtësi të qytetarëve dhe në veçanti të grupeve vulnerabël.

Neni 2

Baza Ligjore

Kjo marrëveshje bashkëpunimi bazohet në *nenin 2; nenin 4; nenin 8* të ligjit nr. 111/2017 “Për ndihmën juridike të garantuar nga shteti”.

Neni 3

Qëllimi

Palët bien dakord të bashkëpunojnë mbi:

- Promovimin e sistemit të ndihmës juridike të garantuar nga shteti përmes zhvillimit të aktiviteteve të përbashkëta sensibilizuese; edukimit ligjor apo afishimit të materialeve të vizibilitetit;
- Shkëmbimin e përvojës në kuadër të përmirësimit të politikave shtetërore në fushën e ndihmës juridike;
- Zhvillimin e takimeve për të diskutuar çështjet me interes të përbashkët;
- Planifikimin dhe organizimin e trajnimeve të përbashkëta në këtë kuadër;
- Kryerjen e analizave dhe studimeve të përbashkëta me qëllim nxjerrjen e rekomandimeve të karakterit ligjor dhe administrativ dhe vënien e tyre në dispozicion të palëve, të cilat do të vlerësojnë nevojën dhe formën e ndërhyrjeve konkrete bazuar në kompetencat ligjore.
- Referim i rasteve për të përfituar ndihmë juridike parësore falas.

Neni 4

Personat e kontaktit

Secila nga palët cakton një person kontakti të cilit i drejtohen të gjitha komunikimet qofshin verbale apo të shkruara, si elektronike ashtu edhe të shtypura në letër.

Në çastin e nënshkrimit të kësaj marrëveshje personat e kontaktit janë si vijon:

Për Drejtorinë e Ndihmës Juridike Falas: Zj. Suela Qevani

Përgjegjës Sektori, Drejtoria e Zbatimit të Politikave
dhe Administrimit të Ndihmës Parësore

suela.qevani@drejtesia.gov.al

0692406766

Për Bashkinë Finiq:

Emër/Mbiemër Zhakcine Boro
E-mail: zhakcinoboro31@gmail.com
Nr. cel: 0682047673

Në rast të ndryshimit të njërit nga personat e caktuar, pala e cila përfaqësohet prej këtij personi do të njoftojë me shkrim palën tjetër nënshkruese brenda 1 (një) jave kalendarike nga data e ndryshimit, mbi të dhënat e personit të ri të kontaktit.

Neni 5

Zgjidhja e mosmarrëveshjeve

Mosmarrëveshjet që mund të lindin mes palëve zgjidhen me frymën e mirëkuptimit dhe me bisedime ndërmjet tyre.

Neni 6

Dispozita të fundit

Kjo marrëveshje nuk është burim i krijimit të detyrimeve monetare dhe financiare ndërmjet palëve.

Çdo palë merr përsipër të përmbushë detyrimet sipas kësaj marrëveshjeve pa pretendim financiar ndaj palës tjetër.

Marrëveshja mund të ndryshohet vetëm nëpërmjet një dokumenti me shkrim të nënshkruar nga të dyja palët.

Kjo marrëveshje mirëkuptimi hyn në fuqi me nënshkrimin e saj nga palët dhe hartohet në 4 (katër) kopje të barazvlefshme në gjuhën shqipe, nga 2 (dy) kopje për secilën palë.

**PËR DREJTORINË E NDIHMËS
JURIDIKE FALAS**

Drejtori i Përgjithshëm
(Në mungesë)
Drejtori i Drejtorisë së Zbatimit të Politikave
dhe Administrimit të Ndihmës Parësore
Patricia Pogace

**PËR BASHKINË
FINIQ**

Zhakcine Boro
